

**Job Search #4-**

# **Achocho Non Om Angang**

**Masouan**

**Fansoun Kukunow  
Fansoun Semwen  
Met Ka Tongeni Fos Usun  
Awesano Osukosuk**



**FUTURES THROUGH TRAINING**

---

**UTAH FARMWORKER PROGRAM**

---

## Achocho Non Om Angang - Fansoun Kukunow

---



Chommong ekkewe boss repwe mwut ngonuk fitu ran ka tongeni feino kukunow nge kopwe chuwen angei moni usun ka angang. Ir repwe chok ngonuk peiof fansoun ka asoso nge a wor ekkoch mettoch kopwe chemeni me fori outun ka feino asoso ika kunou.

### **1. Mi namwot kopwe tungor om fansoun asoso:**

Napengeni ekkewe kompani, mi namwot kopwe esinei ngenir, ruu wiik mwen ka feino kukunou. Ekkoch ra mochen eu maram kopwe fos ngeni noum boss pwe kopwe sinei mefian usun om kewe ranin asoso

### **2. Kesap chok ekieki pwe ka tongeni kukunou inet chok ka mochen:**

Kesapw fori om kokoten kukunou me mwen ka tungor noum we boss. Kesap tongeni sinei porausen unusan ewe kompani, chemeni pwe om fansoun asoso eu niffang. Ese namwot repwe mut ngonuk fansoun kunou.

### **3. Tungor ar reapwe makkei:**

Nupwen ka fori kokoten om fansoun asoso pi pwe noum we boss a makketiw. Chommong

kompani ra fori taropwen tingor fan itan fansoun asoso. Ika ka fori eche, tungorei noum boss epwe sainei me mwen ka fori om kokoten sai. Fansoun meinisip kopwe isoni eche rekotun ewe taropwe.

### **4. Kopwe sopweno ne angang tori om fansoun asoso ika kukunou:**

Ekkewe kompani ra mochen kopwe angang fansoun ka tonong non ewe nenian angang. Fan ekkoch a weires om kopwe wenechar non om achocho ika ka kan anchangei om kopwe no kukunou. Pwe noum boss epwe mochen sopweno ne mut ngonuk fansoun kukunou. Kopwe nikitu non om angang me awesano wisom kewe meinisip.



# Achocho Non Om Angang - Fansoun Samau

---

Chommong ekkewe boss repwe mwut ngonuk omw fansoun asoso, outun ka semwen kesapw angang ekkoch repwe ngonuk moni otun ka samau nge ekkoch resapw pwan ina nge kopwe chechemeni ekkei mettoch:

## 1. Kopwe mwutir me kokori noum we boss ika ka semwen:

Kosap witi tori om kunoken poputa ne kókó. Anongonong won ewe kompani me ewe sokkun angang, kopwe kókó ruanu hour mwen om kunoken poputa.

## 2. Kopwe pwan achocho pwe kopwe pwisin kutt emon epwe siwinuk:


Ese naf om kopwe chok ereni noum boss pwe kesap war, kopwe pwan kutta emon epwe siwinuk. Epwe pwarata ngeni noum we boss pwe ka mochen anisis.

## 3. Kopwe pwan nom non imwom:

A wor ekkoch aramas repwe ereni nour boss pwe ra samau nge repwe tou seni imwer pwe repwe feino sitowa are no kukunow. Ika ka tongeni tou seni imwom me a wor om pechekun ka tongeni angang. iwe ika ka samau kopwe chok nonnom non imwom. Kesap tou seni imwom me nukun ika kopwe no piong. Kesap feino katon kachito, are feino sitowa. Ika noum boss a sinei pwe ka feino kukunou esap chiwen nukuk.

## Met sokkun samau kesapw pwan angang:

- Pwichikar
- Mwus
- Feiseni
- Watte feingau
- Osukosuken mesom
- Merter (Mi namwot kopwe akkom churri emon toctor mwen kopwe niwin)
- Ika emon toktor a era kesapw angang.
- Kopwe tumunu noum mi fakkun samau nge ese wor pwan emon a tongeni tumunu.



**Kopwe chechemeni pwe omw kewe rannin kukunow me asoso ika ka samau ese namwot iwe kopwe fakkun kinisou ika noum boss a ngonuk ekkan mettoch**

## Achocho Non Om Angang - Fansoun Semwen

---



### **Kopwe Chuwen Angang Ika:**

- Ka chok mochen asoso
- Ka netipechou
- Kese mochen angang
- Ka onokin
- A cheuch mokuromw
- A cheuch nukom nge kese mus
- A cheuch sokurum
- A cheuch poum me pechemw
- Ika emon fefin a semwenin maramw
- Ika ewe toctor a fen era pwe ka tongeni niwin sefan
- Ika emon noum konak ika katu a samau
- Ika kopwe churi emon toctor
- Ika ese wor womw
- Ika ese wor emon epwe tumunu noum kewe
- Ika punuom a semwen me nukun ika epwe nioing
- Ika ka sakkau
- Ika kopwe churi emon mi samau non om family
- Ika kopwe pwisin fori om angangen neimw
- Ika ka kutt angang
- Ika kopwe interview ren pwan eu nenian angang

**Ika ka kokori noum we boss o ka ereni pwe kese tongeni angang  
pun ka samau kosapw mwakken!**

# Achocho Non Om Angang - Met Ka Tongeni Fos Usun

---



Met kopwe fos usun

A wor ekkoch mettoch kese tongeni fos usun non om nenian angang iei ekkoch mettoch kosapw fos usun pwe esapw wor osukosuk non om nenian angang:

- Namanam
- Ekkewe nouwisen kofermen
- Kesapw turunufasei chon ekkis
- Kosapw fosengau usun om angang
- Nisou
- Ekkewe trugs ika safei mi ngau
- Kesapw turunufasei pwan emon chon angang
- Kesapw fosengau usun emon chon kamë
- Kesapw fos usun om ka fen atai eu annuk
- Chienom kewe chon angang
- Kesapw fos usun inisum
- Kesapw ereni emon pwe kopwe afeiengaw
- Kesap pwan fos usun an emon famini.

Iei met ka tongeni fos usun

- Om angang
- Sport
- Uf are mangak
- Noum kewe konak are katu
- Omw family
- Aninis ngeni om angang
- Fansoun kukunow

# Achocho Non Om Angang - Awesano Osukosuk



A auchea kopwe weweiti pwe epwe wor osukosuk fan ekkoch ren om angang epwe wor osukosuk non angang meinisin. Iwe a och kopwe monata pwe ika a wor osukosuk ka fen sinei met kopwe fori. Iei ekkoch osukosuk epwe tongeni fis pwan met kopwe for.

## 1. Osukosuk ren pwan emon chon angang

- Kopwe chok fos ngeni ewe emon
- Kopwe kirikiroch, kopwe achocho pwe kesapw song
- Kopwe chok emënungau seni ewe emon
- Ika ka kuna pwe a tufich epwe wor osukosuk kopwe chok su
- Ika ewe emon a mochen efeiengowok kopwe ereni noum we boss

## 2. Ngunungun

- Kosap pwan ekiiki
- Ika ka rong pwe emon a ngunungun usum kopwe chok takir kesapw pwan u ngeni ewe emon
- Ika ka kuna pwe ekkoch chienom ra ngunungun kosapw pwan fitir
- Kopwe kirikiroch ngeni aramas meinisin ina mo met ra apasa

## 3. Urumot usun nisou

- Kopwe ereni ewe emon pwe kese pwan etiya na sokkun mettoch pwe repwe kouno

- Kesapw pwan fiti chienom kewe ika ka kuna pwe ra urumotei emon
- Kesap pwan mwumwuta och sokkun foffor kese sani.
- Kopwe ereni noum boss ika met ra for mi ngau ika ka mefi pwe repwe afeiengauok.

## 4. Osukosuk ren inet ka angang

- Kopwe fos ngeni noum we boss ika a tufich epwe siwin inet ka angang
- Kopwe feino angang inet ra era kopwe feino
- Chechemeni pwe ka angei noum moni ika ka feino angang iwe kopwe chok kinisou pwe a wor om angang
- Siwini met ka for nukun angang pwe kopwe tawei ngeni om angang

## 5. Emon chon angang a weires kopwe angang ren

- Kopwe kirikiroch
- Kosapw fos ngeni ekkewe chon angang ra kirikiringaw
- Ika ka kuna pwe epwe wor osukosuk kosapw pwan fiti
- Kopwe chok pwisin angang kesapw u ngeni aramas

## 6. Ika ami me noumw boss ouse tongeni tipeu fengen

- Kopwe sufeniti noum we boss
- Kopwe fori met a tingor kesapw u ngeni
- Kopwe fos ngeni noum we boss ika a wor ami osukosuk nge ika ouse tongeni tipeu fengen kopwe chok fori om angang
- Ika ka kuna epwe wor osukosuk kopwe chok su kesapw pwan fiti.

**Pwan met epwe tongeni fis pwe epwe wor osukosuk ren om angang? Met kopwe for?**